



kat.komp.

14073

III

Mag. St. Dr.

P

onymus

Martini Fama vocalis purpure

honore paludata.

PANEG. et VITAE

Polon. Fol.

Nº. 117.









AUDITIS MUSE CRACIDES!



En ego mœstarum venio nunc nuntia rerum  
Fama, per immensas aëre lapsa vias.  
*Ovidius Lib. 4. Pont.*

Fama res m̃aximās vel obumbrantibus  
pluribus, filere nescit.  
*Amm. Marcel. Lib. 16.*



F A M A  
V O C A L I S,

PURPURATO HONORE PALUDATA;  
EX PRÆCELSA GENTILITIA TURRI, LATIALIS SIDERIS,  
ORBI LECHÆO,  
Immortalia Virtutum & Gratiarum Pretia,  
*Eminentissimi olim, & Reverendissimi PRINCIPIS,*

D. HIERONYMI  
CASSANATE,  
S. R. E. PRESBYTERI CARDINALIS,

&c. &c. &c.

In obæratīs perpetua gratitudine pectoribus,  
Sacri Ordinis Patrum Prædicatorum,  
Cracoviæ ad Ædes SS. TRINITATIS;

*Inter devota ad DEUM pro PRINCIPE Liberalissimo suspiria,  
& ejaculatas Cælo Orationes,*

Almæ Vniversitatis Cracoviensis,

Vniversorum Ordinum altò cordoliò,

P E R

M. MARTINUM FIDETOWICZ,

*In Alma Vniversitate Cracoviensi, Philosophiæ Doctorem  
& Professore, Collegam Minorem, S. R. M. Secretarium,*

Dolentissimo Poëmate

INSONANS.

Anno Domini 1700. Diē 24. Septembris.

CRACOVIAE, TYPIS VNIVERSITATIS.





JAMBUS DOLENS,  
CANDIDISSIMÆ RELIGIONIS, SACRI ORDINIS  
PATRUM PRÆDICATORUM  
PIISSIMIS LACHRYMIS,  
OBLATUS.



Oloris hac est magna Vestri portio  
Ecclesie Gemma DEI pellucida  
Ordo Sacer, Corona, Nobile o Decus!  
O Candidissima MARIANÆ Rosa  
O dulce Liliū virens & roscidum?  
Ereptus est terris medulla cordium,  
PRINCEPS benignus, justus, illustris, pius,  
Vestra voluptatis Genus, Plausus Sacer,  
Tutela præsens semper Ordinis nova,  
Paterq; Liberalis, Tutor omnium,  
Mæroris est occasio Vestri grauis!  
Everberat pectus Tuū quam maximè  
Altus dolor, sinens nec temperareq;  
A lachrymis gementium püssimis.  
Vulnus TIBI grauissimum o ANTONINE  
Infixit o CLOCHE! Sacerrimum Decus  
Fulgentis Ordinis! Tibi dulces Rosas,  
Cruenta mors ademit atroci manu.  
Acerbioribus TVO cordi ictibus  
Læsit medullas intimas DOMINICE  
Amplissimæ Prouincia Splendor, Pater  
KVLESZA & aureum simul Germen! TIBI  
O CASIMIRE Predicatorum nitor  
Et Gemma NAPOLSKI, Prior! cū Nobili  
Honore, virtutum graduq; maximo,  
Hic casus extremum dolorem contulit.  
Lugetis o STELLÆ colorati Poli!  
O Porticus sublimis Cæli gemmeat  
Fratrum Sororumq; Ordo dulcis & pie!  
Affundit ergo lachrymas uberrimas  
MATER parentans VNIVERSITAS mea,  
E TVRRE præcelsa vocalem Numinis  
Famam recondens in Penetrati sui  
Cordis, biuerticis jugi fontes Sacros,  
In fletum soluit fluentia limpida.





# F A M A V O C A L I S.

**M**Ajestas Latij totum Regina per Orbem,  
Prima triumphales Palmas sibi jure capessens,  
Explicat æterno Magnorum Nomina cultu,  
Sola Virum Genitrix meritis edocta coronas,  
Per vastos nifus & mille pericula rerum,  
Fasces, Purpureo radiantes stamine & auro,  
Ipsa Togas Sacrasq; docens contendere Laurus,  
Vincit ebur fandi; Decori Sibi ducere carmen,  
Est opus ingentis Genij, curæq; molestæ:  
Gratos obsequij census tamen hæcce coronans,  
Provocat in plausus animos & pectora vincit,  
Summa triumphorum Sedes, Laus, Orbis Ocellus,  
Italica ora, Parens Regum fecunda potentum  
Partibus ostentet cunctis hæc digna trophæa,  
Imperij Latiale Caput, dans jura Quirinis,  
Pontificum Sedes, veneranda cacumine celso,  
Roma beata Sacros tribuens quæ semper honores,  
Purpureos cumulando gradus contermina Cœlis:  
Innubes oriente dies mox Diva reuolvit.  
Hæc occæpta diu laudis cum Musa volutat,  
Protinus excelso sub sidere Fama vocalis,  
Aëra per fractos sonitus dat murmure tristi,



Romuleâ festina volans de Turre, Trionem  
In Lechicum, reboat nullo discrimine vocis  
Classica, sæva nimis contorquens tristia lethi.

Quis novus in Cracio radianti spargitur Orbe  
An dolor anve lepor permistus munere grato ?  
Seû Heliconâ suum raptant quæ gaudia iustò,  
Ingeminata pijs affectibus, aucta triumphis ?  
Corda patent ! Charites querulos concire dolores,  
Ecce juvat ! spectator ades mirere profundè  
Confusas agitando vices ; sic ordine Phœbi :  
Pars gemitus lacrymas, pars aspera vota ferendo,  
Aonides Montem complent singultibus altis,  
Confundunt pietate sua dum sponte triumphos :  
Extremplò Pallas vocum meditando tumultus,  
Ægide subversâ genios mirata frementes  
Purpureas mutata genas, pallore molesto,  
Hoc ait : ô tristi quid vos mœrore sorores  
Exagitat ? dignas augusto munere Divûm ?  
Castalij laticis quæ gemmea pocula mecum,  
Dulcè pererrantis roseis contingere labris  
Consuevistis ? ait : nunc tristia vultibus atris  
Fingitis, & mœsto exornatæ carmina peplo  
Concinitis ! gelido quid pectore volvitis ! eia  
Vos fragor insolito percellens ordine miscet ?  
Verba simul referunt Musarum mœsta Corona :

Purpureus PRINCEPS, Romanæ Gloria Gentis,  
Augusta Pericles veniens è sanguine Magnus,  
Indole, Doctrinâ, Pietate beatus, ab imis  
Excessit terris, Famâ testante vocali ;  
Pulchro virtutum vallatus HIERONYMUS orbe,  
CASSANATE Craci Parnassum fletibus implet,  
Nec finit in iusto confingere gaudia luctu.  
Tristia, despiciens conquestûs Pallas inanîs,  
Alloquitur Charites generoso corde calefcens :

Cara



Cara Deum Soboles, Phoebi solatia cara !  
Ecquid Nominibus mirari præpete cursu  
Contigisse vias ! mortales ire sub umbras !  
Cum natura suum justò vectigal adoptet.  
Hæc cunctos lex summa manet, super Orbe teneri.  
Exiguò spatiò ; fulgur velut ætheris esse.  
Sed meritis laus certa datur, sed præmia justa,  
Ire per immensos semper quæ docta triumphos,  
Scribit in æternis titulorum Nomina fastis,  
Mentes devotas Sacris, super æthera tollit.  
Quid mundana juvant ? plausus jactare fugaces  
Alta Poli temnendo pijs Altaribus vsquam.  
Nonne triumphales stant magni Nominis umbræ ?  
Æternas meruit bellax virtute Magistra,  
Quas animus : summisq; datum complere perennes  
Immemori famâ titulos rebusq; gerendis.  
Reptavit per scuta Puer : senium non secula vincunt  
Illius Cineres, nec mordax tempus abegit.  
Hectora, Pompilios, Augustos, marmora sudant,  
Mille Ioves alios, & secula mille loquentur ;  
Quos Confus, quos bella notant Laurisq; togatæ.  
Ardua luctati rerum certamina, famæ  
Si peperere sibi magnæ, documenta laboris  
Dulcia pro meritis solatia, ritè triumphos,  
Vendicat hæc virtus monilia digna trophæis.  
Pallados hic candor constans ad sidera cessit,  
Altus sed mœror, gracili sub pectore flammæ  
Suspiriumq; movens, illis magè vulnera fixit :  
Cessit ebur facie, candens & purpura cessit  
Musarum labijs, oculis supereminet ipsis  
Triste supercilium, mœstoq; cacumine terras  
Numina contingunt deformia vestibus atris.  
Virtutum sed turba potens mœrentia corda  
Solatur, planctusq; pios in gaudia vertit,



Cingit nam rutilans sacrum latus ipsa Dialis  
Flaminis, in cœlos exporrigit, atq; Coronam:  
Hortatur Natam Summi de mente Tonantis,  
Confectas mœrore Deas animosior ipsa  
Erigat in summas spes, & plaudentia vota.  
Est, inquit, solenne mihi sub pectore grato  
Cordolium, ( sic Nata DEI Prudentia voce  
Institit, Ipsa oculis centum totidem, modestis  
Cordibus insignis, crines redimita solutos  
Gemmis, & niveo multum speciosa nitore  
Colla gerens; Solis radios imitata serenos,  
Aût Lunæ gratos vultu cùm prælagit ignes;  
Mente Deum sedes tangens, moderamine terras  
Frenans, magna cui successus cura futuri:  
Militibus major quantò Dux, remige dextro  
Ante ratem sulcans audaciùs æquora quantò,  
Præstat; tantò alijs virtutibus anteit ipsa )  
Purpureo sic ore DEÆ teneroq; locuta:  
Augustale mihi gratum populata cruentâ  
Trux Lachesis dextrâ, quò non præstantius vsquam  
Fas reperire fuit, cedit cûi Regia cœli.  
Hic mollem thalamum posuit sapientia recti  
Consilijq; boni, quò res moderata futuras  
Atq; DEI Templum; DEUS ipse vt dirigit Orbem,  
Spiritus aût corpus, summam stabilire negotij  
Christiadum sic Ille fuit super omnia gnarus.  
Aspera bella potens fundebat quando Gradivus,  
Et gentem Christo quæ sacris militat armis  
Auxilium latura frequens annona premebat,  
Et jeiuna fames tentabat frangere vires;  
Aulonias gazas pretiosi pondus & auri,  
Ingens subsidium belli, de Sede sacrati  
Romulei Montis, submittere dulcè ferebat.  
Consilio prudente suo nam PONTIFICALIS



Theſaurus, tribuebat opem certamq; ſalutem.  
Aſtriacas acies, Lechicos, Lithavoſq; maniplos,  
Atq; manum Venetam, coniuncto fœdere belli,  
Cùm Leo Byzantij Thracicuſq; vocaverat atrox  
Tigris, & immanes Aſiæ centuplicis hydræ  
In communem eſcam; tremuiſſent dentibus artus,  
Et miſeræ gentes Europæ flos opulentæ,  
Correpto ſplendore ſuo creceiq; nitoris  
Depolito cultu iacuiſſet; Roma profuſos  
Hoc niſi Conſultore pios in prælia cenſus  
Munificâ dextrâ fudiſſet milite læto.

Hæc iactare diu, dignaq; extollere laude,  
Ambroſijs labijs Prudentia Diva parabat,  
Gemmea ſed rupit dicta hæc, Sapientia mater,  
Compta caput rutilum, celiſ radiantiſ aſtriſ;  
Sic varijs diſtincta coloribus, Iride tanquam  
Teſta foret, cœlumq; ſuis produceret armis,  
Corpore Virgineo niveum ſuperans ebur, alto  
Vertice Phœbeas frondes, victricia ferta  
Commonſtrans, laurum digitis referendo ſiniſtriſ,  
Sidoniumq; oſtrum, dextram tamen ipſa gerebat  
Tunc liberam, fandi obſequium quæ ritè ſubire  
Poſſet, & in gemmas redeuntia verba juvare.  
Ergo ebur extendit nivæ ſuper æthera dextræ,  
Et Phœbum, & Lunam teſtando cætera & aſtra,  
Sic profata Diis, mortalibuſ atq; cōactiſ.  
Si fama eſt aliquoſ mortaleſ vivere demum,  
Et poſt fataleſ deplorataſq; cupreſſoſ,  
Nominibuſ magniſ æternos ducere ſoleſ;  
Herculiſ Orpheiſq; memor ſi gloria regnat,  
Et linguas hominum magna dulcedine mulcet,  
Vatibuſ & ſacriſ deſunt ſi oblivia longa,  
Seu verè memorant Sapientum nomina faſti,  
Si Mihi ſunt tituli certi, ſi neſcia fati



Censeor, hoc magno nunc PRINCIPE sidera tangam,  
Et cœli capiam Solium, mirantibus astris:  
Ille meas laudes, celsa & præconia linguis  
Adscripsit scēlis, ævi donavit honore.  
Ille DEUM Sedes hominumq; negotia magno  
Ingenio penetrans, cunctis (mirabile dictu)  
Aut DEUS in terris aliquis novus, aut pia sedis  
Ætherææ virtus est visus & omine læto,  
Quidquid Cœlipotens Fautor, naturaq; sparsit,  
In varias hominum mentes, tenuiq; paratu  
Distribuit, totum copioso fonte rigavit,  
Hanc animam, Divis sacratum Germen & ingens  
Miræ laudis opus: riguo sed fonte potentis.  
Doctrinæ latuit tantum decus & pia norma.  
Namq; brevis spatium vitæ, tempusq; beatum  
Ingenio soli tribuit, pallentia libri  
Convolverens folia, & mentem super abdita condens.  
Heu! quàm magnifico Princeps Me sponte paratu,  
In pectus tenerum traxit, soliumq; paravit;  
Congeriem tantam librorum, qui sibi struxit,  
Quantam non veteris tenuerunt Pergama Troiæ,  
Angulus aut quisquam. Quare dum terra tenebit,  
In medio cœli spatio sub sidere sedem,  
Alternasq; vices redeuntibus obvia stellis  
Suscipiet, dum Sol nigro se littore sursum,  
Attollet, faciem sudam mortalibus usq;  
Monstrabit; donec refluetq; reciproca Tethys,  
Et mixta alternas quærent elementa figuras;  
Nomen ab extremis tenebris Sapiëntia Vindex  
Defendam, cellisq; polis inferre parabo.

Sed Dea larga suis insistens prodiga lamnis,  
Munificum Numen Pactoli munera fundens;  
Cuius habet nunquam varias propensio formas,  
Prodiga sed semper superest mens æris & auri;

Expan-



Expansis velox applausu, corpore, palmis,  
Effigie lucens in tantum, ut eburnea si quis  
Signa tegat, nitido vel candida lilia vitro.  
Numen, Sole novo, croceis & pulchrius astris:  
Sed tamē in placidum magē tendens hæc Dea vultū  
Inde fuit, tenerum pectus quod condere nullo  
Vestitu cupiit, nudum curis aut ebur albæ  
Fudit in æthereas auras, linguamve resolvit,  
Talia dicta ciens: satis est hinc laudis honestæ  
Quod retulit sacro Sapientia corde Magistra,  
Majores hominum memori, sed mente manebunt  
Res, ordoq; sacer gestorum; fama; certis  
Inscribet fastis nomen, monumentaq; largi  
Muneris, in Doctos effusi divite vena:  
Ille sacros sumptus, me fida Præside fudit  
Docta Lycæa super, numerosaq; Millia Libram  
Accumulando, Pios collegit in agmina Mystras,  
Qui literis sacris animos coluisse valerent,  
Luminis ANGELICI DOCTORIS lampada claram  
Mentibus incultis præferrent, omine magni  
Ædis sacratæ fructus lucrique; salutis.  
Hispanis, Latiusq; oris, & fidere Gallo,  
Sarmaticoq; polo, Belgoq; Angloq; Trione,  
Affusæ mentes, admirandusq; Supernæ  
Doctrinæ genius, sacras ut panderet artes  
Fecit, & immensos tribuit pro divite census  
Penso, proq; bona tantorum spe Geniorum.  
Hæc quis ritè satis calamus, quæ Musa sacratio  
Ore per extremas referet plaudentiùs oras!  
Non superest calamo nervus, non Musa coactum,  
Atq; melos poterit similes in fingere voces;  
Desunt ecce modi tam dulces Vatribus, ista  
Munera quæis memori mandarent certius ævo.  
Me Me sat vivet, sat Me quoq; Principe longa



Secula censebit; Qui, non nigrantibus antris,  
Sēu tenebris damnavit opes, sed munera nimbo  
Sparsit, & innumeras hominum ditare catervas  
Suevit; præcipiti dextrâ superabat Iberos  
Torrentes, vulgo sæpè aurea munera spargens.  
Numen Justitiæ sacrum super æthera vultum  
Extulit & placidos rigidosq; vocaverat ausus,  
Defuncto interea quæ gessit ritè Magistro  
Illa sed haud gracili celebris tenuiq; paratu,  
Sed quo digna sinu placido Iovis ipsa maneret,  
Altriferi cœli fugiens; nam tecta superba,  
Solis, & incensos currus, & templa Tonantis,  
Regna beata poli sublimibus alta columnis  
Deseruit, sprevitq; suum rerumq; Parentem,  
Pectore sub firmo, sedem sibi PRINCIPIS huius  
Consignans, rutilo virtus quoq; vertice gemmas  
Explicuit, radios placito septempace vultus,  
Et tendens roseasq; genas irasq; minaces,  
Prætulit in facie niveâ, dextrâq; tremendum  
Mucronem, quô iusta suæ prætenderet iræ:  
Blanda illi vultu gravitas, & triste serena  
Fronte supercilium, sed pectus tristius ore.  
Aonides summo fractas cernendo dolore,  
In speciem plausûs gratum cordisq; levamen,  
Talia sincero nimium de pectore promptit:  
Est mihi vindiciis fortis manus, est pius atq;  
Fervor ab injuriis ævi qui vindicet altum  
Nomen PRÆSULEUM, quô stabunt tempore longo,  
CASSANATE Bonorum præcellentia signa:  
Garrula testis erunt, prædulci Rostra tumultu,  
Et Solium sanctum, quod legibus imbuit Ille  
Justis, exemplumq; dedit, quàm digna triumphis,  
Mille sit in rectum mens tendens, iustaq; poscens;  
Ille sacram Sedem moderatis Juribus Ille

Imbuit



Imbuit, & populōs altā donare quiete  
Scivit, & immensos litis componere fluctus.  
Longiūs hęc Astręa volens extollere voce,  
Eminuit clamor confuso de agmine turbę  
Virtutum. Nam quęq; suū jactare cupivit  
Factum, laudis opus magnę pretiumq; perenne.  
Ergo Diva suas exorsa animare Sorores,  
Pallas tantorum pondus mirata subinde  
Gestorum, Pectus felix en PRINCIPIS almi,  
Insedisse; novos affectus ipsa dolentūm,  
Jam cohibere jubet gemitus lacrymasq; fideles.  
Vivit sub tanto virtutum munere PRINCEPS  
Fatur, & elatis manibus dat lilia plenis.  
Hęc in vota sacris precibus lacrymando soluta:  
O Superi! flevisse datum sat, pectore grato,  
Musarum; aternā potiaur HIERONYMUS Æde,  
Gratia quem niveus candor pietate beata  
Exornavit, HONOS TRABEATUS, secula complens,  
Immemores fastos nobis extender in ævum.  
Hęc monumenta pijs affectibus Musa recondens,  
Vestris ô nivei Candoris Lumina PATRES,  
Cordibus inseruit planctus, Famaq; Vocali,  
Immensos Orbis tractus implente fragore,  
Pectora summa Patrum gravius devota penetrans,  
Turbida ploratus tepidi lustrando fluentia,  
Et cum nube dies orientes ORDINE Sacro,  
Mutatasq; preces suetas, in tristia vota;  
Ordinis integri vernantia Lilia pullum  
Mirandā specie pronunc induta colorem;  
Vestalesq; sacras, vigiles in tædia curas  
Et gemitus vertisse videt, PATREMq; dolere:  
Gratiūs haud quidquam Cœlis, terrisq; fuisse,  
CASSANATÊ Piō cognoscens hac vice secum;  
Protinus extimuit, subitoq; rubore notata,  
Sævo mœrori dederint quod semina Musę,  
Indoluit; Monti; sacro præstare levamen

Alloqui-



Alloquijs spondens, converti in pegmata corda  
 DOMINICANA videns; posito jam fine dolori,  
 In juga Laurigeri se tollens Montis ab alto  
 Virgineâ dextrâ deductum linquere carmen  
 Hoc dignata Dea est. Adsunt mihi certa perennis,  
 Nunc monumenta rei, sunt temporis atq; fugaces  
 In seclum conversæ horæ, quæis gloria Magni  
 PRINCIPIS augeri non desinet atq; vigere;  
 Purpureum Patrem venerando Roma stupeſcet,  
 Et sudus nitidâ Latialis Jupiter aulâ.  
 Nam quâ nascentis surgit Tithonia Phœbi,  
 Quâq; cadentis amat cunabula Vesperus vda  
 Æstibus in medijs librati pondera Cœli  
 Quâ cādent, æterna dabunt præconia DIVO;  
 Nec sinet Arctois Nomen decedere terris.  
 Ibit in immensum TRABEATA Decore perenni  
 PURPURA, quam Roseus PRINCEPS ornavit abundè  
 Præcellis Meritis; Partitis Divite venâ  
 Muneribus; nimium doctis in sæcula Libris,  
 Immortale sibi Nomen pretiumq; paravit.  
 Cuncta super vincet Doctorum Tempora, Lauros,  
 Laudes exsuperans omnes, Fastiq; notabunt,  
 FAMA quod extendet Celsâ de TURRE VOCALIS.

PERMISSV

*Magnifici, Perillustri, & Reverendissimi Domini,*

**D. M. MATHIÆ PSOIECKI,**

S. Th: & V. J. Doctoris & Professoris, Collegæ Majoris,

Protonotarij Apostolici, Ecclesiarum, Cathedralis

Cracoviensis CANONICI, Collegiatarum, Sanctorum Omnium

PRÆPOSITI, S. FLORIANI ad Crac: & Opatoviensis DECANI,

SCHOLASTICI Curzeloviensis, CANCELLARIJ Posnaniensis, CVRAT

in Osiek, Contubernij Jagelloniani PROVVISORIS,

S. R. M. SECRETARIJ,

Studij Almæ Universitatis Cracoviensis,

GENERALIS, ac VIGILANTISSIMI

**R E C T O R I S.**



a

no.

nis,  
ces

cet,

;

ni  
ndè

ros,

LIS.

CKI,

ajoris,  
dralis  
mnium

CANI,  
RATI





